



26. september 2019

UPA 2019/154
Aqqalu C.Jerimiassen

Uunga siunnersuut: Ilinniartut ineqarfii pillugit Namminersorlutik Oqartussat inatsisaat nr. xx, xx. xxx 2019-imeersoq.

(Ilinniartitaanermut, Kultureqarnermut, Ilageeqarnermut Nunanullu Allanut Naalackersuisoq)

Ilinniarniaritsi ilinniarniaritsi! Tassaavoq ullutsinni inuusuttortatsinnut oqaasinnaarput qinikkatut sulisuusugut, siuligisimasarpanguagullumi maani inersuarmitarsimasut sioqqulluta, taamaattuassagunarporlumi tulleriumaakkatsinnut kikkunnuugaluarnersoq.

Naalackersuisut maanna ilinniartortatta ineqartitaasarneri pillugit saqqummiussaaf arlalitsigut atuaraluarlugu assut nalorninarpoq, Kalaallisut nutserneqarsimanera paasiuminaaruttormat toqqaannagaarpalaaqaluni.

Taamaakkaluartoq imatut akissuteqarfigissuarput Atassummiik:

Ilinniartortatagut ajoraluartumik malunnaatilimmik immikkoortillugit pineqartussangussuagut ineqarnerinut akiliutinik allanngortiteraluta aallartissagutsigit. Tassami ilinniartoq inimi anginerusumi najugalik, assersuutigalugu anaanaq kisimiittoq marlunnik sinittarfilimmi najugaqaruni qaammammusiaalu 4.800kr meeqqamullu tapi 1.000kr nalimmassarneqaratik iluaqutissartanik takusassaqarfiuallaarunnangilaq. Tamannattaarlumi immaqa malitseqarsinnaassalluni anaanaq kisimiittoq eqqissisimasumik inuuneqarusukkaluarluni ilinniartut inaanni ineeqqat arlaanni najugaqaannartariaqalersoq sipaarnarunissani eqqarsaatigalugu, imatut paasillugu, angajulliuernerumaartut inuusuttuaraanermi ilinniangaqanngitsoornikuullutik kingusinnerusukkut immaqa meeqqiulereerlutik aallartittut eqqornerloratarsinnaanerannut kinguneqarsinnaavoq. Ajuusaarnassaqaq ilinniarniaraluartoq marlunnik 12-ileereersimasunik meeraqaruni iningaatsianguamilu najugaqarluni qaammammut akiliutaa qaffatsingaatsiarneqassappat, tamannami ilinniannngitsuinnarsimagaluarlutik kingusinaaraluamik ilinniartunngortussaagaluanik tatamisitsinnaalissammat ajoraluartumik.

Atassummiik maanna piffissaasorinngilarput ilinniartortatta ilinniaquseqalutalu sulii ajornerusumik pinissai. Taamaattumik eqqarsarnassooq, taamannak qaffaavigineqassappata ineqarnerisigut boligsikringimik allaat peqartitsisariaqalersinnaaneq piusariaqalissasoq, tamannami allaat anguneqassappat sumut qaffaaneq taava atuuteqalissagami?

Ila uagut ilinniartuugallaratta pilluartaasimaqaagut, ilinniarnissatsinnik tiguneqaraangatta inissagut ilanngullutik aaqqereerneqartarmata immikkut qinnuteqaatigeqqaanngikkaluarlugit. Ullumikkut inuiattut pikkoriffissuannaarilersimasarput atorlugu aporfissanik sulii pilersitsineroqqikkusulluta suliniummik ima ittumik aallartitsinerput ajuusaarnarpoq.



Toqqammavilersuutit tamakku pillugit Atassummiik siunnersuutip toqqaannartumik
itigartinneqarnissaa innersuutingaarput.